

# ভোট ১০১

নতুন ভোটারদের জন্য নির্বাচনী তথ্য

## ভোট দেওয়ার বিবেচ্য ব্যক্তি কে?

কে ভোট দিতে পারবে তার যোগ্যতা নির্ধারণের জন্য প্রতিটি রাজ্যে কিছুটা আলাদা নিয়ম রয়েছে। সাধারণত, আপনাকে হতে হবে:




- মার্কিন যুক্তরাষ্ট্রের একজন নাগরিক
- কমিউনিটির একজন বাসিন্দা যেখান থেকে আপনি ভোট দিতে চান (কখনও কখনও ন্যূনতম সময়ের জন্য)
- কমপক্ষে ১৮ বছর বয়সী (কিছু কমিউনিটিতে ১৮ বছরের কম বয়সীরা নিবন্ধন করতে এবং ভোট দিতে পারে নির্দিষ্ট কিছু স্থানীয় বা প্রাথমিক নির্বাচনে)

কিছু রাজ্যে, কিন্তু সবটিতে নয়, কোন অপরাধে, বিচারিক রায়ে, বা অন্যান্য কারণে দোষী সাব্যস্ত হলে সেই ব্যক্তিকে ভোটদানের অযোগ্য ঘোষণা করা হতে পারে। ভোট দেওয়ার যোগ্যতা সম্পর্কে আপনার কোন প্রশ্ন থাকলে আপনার রাজ্য বা স্থানীয় নির্বাচন কর্মকর্তাদের সাথে যোগাযোগ করুন। আপনার স্থানীয় নির্বাচন কর্মকর্তাদের খুঁজে পেতে চাইলে আপনি যেতে পারেন [www.vote.gov](http://www.vote.gov).

## ভোটের ধাপগুলো ১-২-৩

### ১ ভোটের নিবন্ধন

বেশিরভাগ রাজ্যে ভোটারদের ভোট দেওয়ার আগে তাদের নিবন্ধন করতে হবে। ভোটার নিবন্ধনের সময়সীমা সহ আপনার রাজ্যের তথ্য খুঁজে পাবেন [www.eac.gov/vote](http://www.eac.gov/vote).



- **অনলাইন** - কিছু রাজ্যে অনলাইনে ভোটার হিসেবে নিবন্ধন করা যায়, অথবা অনলাইনে নিবন্ধনের বর্তমান অবস্থান দেখা যায়। আপনি এখানে আপনার রাজ্যের তথ্য পেতে পারেন [www.eac.gov/vote](http://www.eac.gov/vote).  
-অথবা-
- **সশরীরে** - স্থানীয় নির্বাচনী অফিসে সশরীরে ভোট দেওয়ার জন্য নিবন্ধন করতে পারেন।  
-অথবা-
- **ডাক যোগে** - স্বাক্ষরসহ আপনি ডাকযোগে একটি ভোটার নিবন্ধন ফর্ম ফেরত পাঠাতে পারেন। আপনি এখানে ২১টি ভাষায় অনুদিত বিভিন্ন রাজ্যের নির্দেশাবলী এবং সংশ্লিষ্ট ভোটার নিবন্ধন ফর্ম খুঁজে পেতে পারেন: [www.eac.gov/voters/national-mail-voter-registration-form](http://www.eac.gov/voters/national-mail-voter-registration-form).

### ২ যা জানতে হবে

রাজ্য এবং স্থানীয় নির্বাচনী কর্মকর্তারা অফিসিয়াল ভোটিং তথ্যের সবচেয়ে বিশ্বস্ত উৎস। আপনার স্থানীয় নির্বাচন কর্মকর্তারা আপনার নিবন্ধনের বর্তমান অবস্থা যাচাই করতে পারেন এবং আপনি কখন এবং কোথায় ভোট দিতে পারেন সে সম্পর্কে তথ্য প্রদান করতে পারেন। আপনার স্থানীয় নির্বাচনী কর্মকর্তা আপনাকে একটি নমুনা ব্যালট বা আপনার ব্যালটে কোন অফিস বা সমস্যাগুলি থাকবে সে সম্পর্কে অন্যান্য তথ্য প্রদানে সক্ষম।



পৃষ্ঠা ১/২



United States Election Assistance Commission

633 3rd Street NW, Suite 200 | Washington, DC 20001


[www.eac.gov](http://www.eac.gov)

### 3 ভোটদান!



#### সশরীরে ভোট দেওয়া

- আপনার জন্য নির্ধারিত ভোটকেন্দ্র খুঁজে বের করুন।
- আপনার রাজ্যে ভোটকেন্দ্র খোলার সময় সম্পর্কে জেনে নিন।
- আপনার যা কিছু প্রয়োজন তা সাথে রাখবেন।



আপনি যখন আপনার ভোট কেন্দ্রে পৌঁছাবেন:

- আপনি যখন ভোট দিতে যাবেন, তখন আপনাকে একজন ভোটকর্মীর কাছে হাজিরা দিয়ে আপনার ব্যালট পাওয়ার যোগ্যতার বিষয়টি সম্পর্কে নিশ্চিত হতে হবে। কিছু রাজ্যে, আপনাকে ব্যালট ইস্যু করার আগে সরকার-প্রদত্ত ফটো আইডি দেখাতে হতে পারে।
- আপনাকে একটি ব্যালট দেওয়া হবে যেখানে আপনি আপনার পছন্দ নির্বাচন করতে পারবেন। আপনি যদি আপনার ব্যালটে ভুল করেন, তাহলে আপনি একটি প্রতিস্থাপন ব্যালট চাইতে পারেন। আপনার ব্যালটে চিহ্নিত করা শেষ হলে, আপনি আপনার ব্যালট দেবেন। একবার আপনার ব্যালট কাস্ট হয়ে গেলে, আপনার ভোট রেকর্ড করা হয়।

#### ডাকযোগে ভোটদান

আপনার রাজ্যের উপর নির্ভর করে, আপনি ডাকযোগে ব্যালট পেতে পারেন।

আপনার স্থানীয় নির্বাচনী কর্মকর্তার সাথে যোগাযোগ করে দেখুন ডাকযোগে কীভাবে ব্যালট পেতে পারেন এবং কখন, কোথায় সেই ব্যালট ফেরত দিবেন এবং কীভাবে তার ডাকের গতিপথ জানতে পারবেন।



#### প্রবেশযোগ্যতা



ভোট দেওয়ার সময় আপনি চাইলে একজন সাহায্যকারী পেতে পারেন। কিছু এলাকায় আইনগতভাবে ইংরেজি ছাড়া অন্য ভাষায় ব্যালট এবং অন্যান্য ভোটদানের উপকরণ প্রদান করতে পারে।

### কিভাবে আপনি সাহায্য করতে পারেন?

নির্বাচন ঘাতে সুষ্ঠু, নির্ভুল এবং নিরাপদ হয় তা নিশ্চিত করতে প্রতিটি ভোটার সহায়তা করতে পারে। যেভাবে আপনি সহায়তা করতে পারেন তার কিছু উদাহরণ হচ্ছে:



- যোগ্যতা অর্জনের সাথে সাথেই আপনি ভোট দেওয়ার জন্য নিবন্ধন করুন।
- আপনার ভোটার তথ্য বর্তমানের সাথে সামঞ্জস্যপূর্ণ রাখুন। আপনার নাম, ঠিকানা, বা দলের অধিভুক্তি পরিবর্তন হলে আপনার স্থানীয় নির্বাচনী কর্মকর্তার সাথে যোগাযোগ করুন।
- সূত্রের মাধ্যমে ভোট প্রক্রিয়ার তথ্যসমূহ যাচাই করুন।

সর্বোপরি, একজন ভোটকর্মী হিসেবে নিজেকে নিয়োজিত করে আপনি সাহায্য করতে পারেন।

আপনার মতো হাজার হাজার লোকের উপর নির্ভর করে একটি কমিউনিটির সুষ্ঠু নির্বাচন সম্পন্ন হয়। আপনার কমিউনিটিকে সাহায্য করার সুযোগ সম্পর্কে জানতে চাইলে আপনার স্থানীয় নির্বাচন কর্মকর্তাদের সাথে যোগাযোগ করুন। আপনার রাজ্যের তথ্য এখানে খুঁজুন:

<https://www.eac.gov/help-america-vote>.